

四庫全書

集部

欽定四庫全書

西坡類稿卷四

吏部尚書宋肇撰

雙江唱和集

聞蟬

淒切空庭外
新蟬作意吟
數聲殘雨後
一樹碧煙深
物候他鄉得
羈愁薄暮侵
柴門高柳下
幾日許披襟

和前韻

華亭錢杓齡介維

薄暮虛堂外新蟬嘒嘒吟好音傳院靜嘉樹通檐深過
雨聽偏切臨風感易侵故園何處所林際想開襟

秋日同錢介維遊東勝山

留滯雙江上招尋一壑閒老僧何處去初地任躋攀
雨佛桑落窺人山鷓間風流錢翊在吟罷月中還

和前韻

拍齡

望去招提境悠然林壑閒使君愛幽賞羣從樂追攀

其時

崇維德錦
舍皆從

苔色入秋淨禽聲薄暮閒小山有明月留醉

不知還

詠庭蕉用松陵集新竹韻

蕉林高十丈，櫛比羅前楹。白日不能下，綠夫杳冥冥。色
割鴨頭水，葉矗爰居翎。好移青玉案，就此碧雲屏。雨至
衆響激，風定微煙生。但苦三秋夜，月不遍閒庭。疎衣鹿
可覆，甘露酒能醒。何須美人號，紅萼發清馨。炎州寡霜
雪，庶同松柏零。

和前韻

柏齡

甘蕉環數抱森綠浮軒楹苞固若義竹聳蟲連蒼冥何
來垂天翼委此青雲翎兀然樓閣表突起芙蓉屏翻風
碧靄動過雨飛流生炎威熾西陸廣陰月中庭揮毫事
已邈覆鹿夢未醒偃仰高林下襟袖餘幽馨終古飽霜
霰蒼翠無時零

虔州雜詩用子瞻八境臺韻八首

縹緲江城百尺樓羣公飛蓋此銷憂星槎到日追隨數
遠汎應憐博望侯

鉤輈鳥語去仍還雲樹雙江起暮寒自笑遊蹤逐坡老
十年前亦宦齊安

崆峒山畔暮雲堆風起芙蓉次第開向夕空庭堪拄笏
連天積翠月中來

誓師江上憶陽明讀罷遺編客夢醒惆悵斯人今不見
荒祠落日影亭亭

何日還參馬祖禪花宮巖際自歸然捫蘿擬搨題名字
嗜古從人笑茂先

江關烽火幾年中壯士今歌零雨濛
帆影蕭條鴻在野
雙流鳴咽自西東

無復當年章貢臺樹鬱孤荒阜素馨開
殷勤獨有悲秋客
倚杖看雲到草萊

雨餘竹樹影參差耿耿孤懷明月知
且喜尋常了公事
木蘭花下任題詩

和前韻

柏齡

千雉層城霞作樓烽煙初罷四郊憂
憑高漫擬休文詠

幾見揮毫博徵侯

檐前越燕乍飛還
滾滾雙流到檻寒
檻外去帆輕似葉
臨風不獨憶長安

天南無限翠螺堆
一徑梅花五嶺開
不是炎州消戰伐
春帆那得佛桑來

蘭臺奉使號神明
飛蓋登臨幾醉醒
遲日紅牙敲欲遍

寄情塵外一間亭

時牧菴使君選
詩餘塵外集

競說當年馬祖禪
層崖松柏自森然
等閒閱盡塵中客

孰是能持半偈先

縹緲金精出望中洞天雲氣日空濛佳人已共風塵絕

采采蒹葭一水東

謂魏徵
君兄弟

千秋李勉已無臺贏得幽襟此地開乘興復尋清獻蹟
女牆高處有荒萊

青峰紺宇互參差暮靄凝來杳不知遲得金波湧江畔
一天澄碧照題詩

和前韻

宣城

袁啓旭

士旦

突兀城闌起畫樓西風憑眺一增憂三湘百粵多烽火
辛苦專征盡列侯

何處漁竿釣月還東來煙水上衣寒驚心最是新巢鵲
三匝初歸夢未安

十八灘頭蔓草堆疎林破屋晚煙開誰家解唱邊庭曲
玉蘂風中過枕來

深松掩映夕陽明亂罷山川似夢醒一自眉山人去後
江聲冷落到旗亭

獨客齋心似老禪
亂山秋水坐蒼然
登臨且酌他鄉酒
愛有橙香入座先

吳楚關山暮靄中
一行煙艤破冥濛
銷魂怕及賓鴻候
風雨驅人五嶺東

百戰經過賸此臺
秋風吹動木蘭開
孤雲明滅雙江外
莫遣新愁到草萊

迴岡雉堞吐參差
石徑荒涼野老知
昨日使君天上至
醉捫高壁共題詩

宋牧仲使君邀集城南精舍

寧都魏

禮

和公

愛避繁華境
招提作勝遊
高僧殊磊落
名士足風流
地僻難消暑
心閒易得秋
使君饒逸興
不減庾公樓

次韻酬魏和公處士

花宮逢魏野
如向易堂遊

易堂為處士兄弟讀書處

人靜苔堪藉
林

深翠欲流高
言驚法侶勝
地得清秋擬
識崆峒面長吟

上小樓

同集奉和

柏齡

初地一何僻相將得勝遊真同蓮社約不愧竹溪流白
袷宜殘日黃橙報晚秋翠微雲卧處百尺有高樓

使院池上構小橋待和公漫賦一絕

秋水蒹葭極望遙新成畧約一相邀他時應有閒人說
使院牆東處士橋

次韻奉酬二首

禮

編木橫池逕未遙閒來不待主人邀使君風度真足曠
夜踏青莎送板橋

麋鹿生成世事遙幽情偏愛使君邀
蘇堤湖上稱名勝
雙水千秋有宋橋

和公以棋櫬見貽口占為謝

客從山中來贈我山中果
蠻櫬名最佳入手何磊砢
登盤十二枚所得亦已夥
瀟灑風味殊豈在哀梨左
一片世外香遠自翠微墮
珍重處士遺惠而真好我
題詩謝殷勤永言懷袖裏

次韻奉酬

禮

味澀不諧時檠植類諫果其技能連理其幹癭磊砢聊
用物土宜袖攜未能夥顧邀使君珍置之玉盤左自慙
謬謬姿行恐家聲墮使君云好之非果而以我敢效行
沖言願得存藥裹

和前韻

柏齡

南國秋氣佳涼風薦百果處士投使君檠植絕磊砢數
顆良已微方欣所得夥顧茲高賢貽味與塵中左珍重
閱圖經茗語燭花墮咄嗟成報章才盡獨慙我詩人感

木桃行當什襲裏

佛桑

殷紅朵朵間輕黃
花起重樓葉是桑
過嶺定知梅遜色
殢人何必薜生香
鷓鴣啼處紛愁態
瘴癘開時爛曉粧
珍重炎州來異種
休將玉蕊說唐昌

和前韻

柏齡

瑪瑙殷紅淺赭黃
朝暉映處見扶桑
當筵自共霞爭麗
辟惡寧須麝比香
戴勝降應驚別豔
羅敷攀合妒新粧

木棉嶺上開無數難向重樓擬樂昌

鬱孤臺歌

鬱孤臺迴寒雲浮城中坐見雙江流
酸風一道射眸子我來正值天涯秋
李公遺構已塵土碧草芊縣沒殘礎
側身北望魏闕遥野日荒荒照前浦
奔濤盪涵山嵯峨千年霸氣何其多
誰是姚江後來者蒼茫倚杖徒悲歌

和前韻

柏齡

鬱孤之臺鼇背浮江波迴合煙雲流
飛梯十丈拔空起

想見輪奐凌千秋今我來遊但荒土無復方花列古礎
仰天長嘯清風生蟬竦在東日南浦城頭雉堞何嵯峨
週遭削出芙蓉多山中木客不可見月明彷彿來高歌
使院即事示介維

雙江如箭聒斜陽一髮中原是故鄉狼藉芭蕉堆逕綠
分明摘袖飽霜黃杯酬木客山中句衣染黎人海外香
好趁瘴消秋雨後幽巖振策共錢郎

次韻奉酬

柏齡

官舍秋陰淡夕陽鱸魚消息渺江鄉
紛披楚畹蘭叢秀冷落淮南桂蕊黃
載酒幾過池上約檢書頻拂篋中香
高唐麗藻元無敵此日風流屬省郎

題畫

楓林瑟瑟水泠泠望裏千尋石壁青
誰寫子瞻當日句虔州城外古螺亭

和前韻

柏齡

溪山一曲似西泠落落修林望裏青
應是倪迂高絕處

更無人倚竹間亭

秋日用李義山韻

題詩同魯望客况未應知章貢容浮梗崆峒待采芝地
幽行藥遍瘴暖得秋遲矯矯池邊鶴江湖有素期

和前韻

柏齡

秋氣渾無賴羈懷只自知聯吟惟宋玉染翰憶張芝木

竹分甘遠扶桑競豔遲

木竹子翠微山果和公處士攜來扶桑即佛桑

翠微峰

頂屐應待小春期

附步前韻

男基

南樓終日坐客思竟誰知風急時聞杵山空憶采芝
芭蕉經雨大橘袖待霜遲白袷新涼候悠然塵外期

山呼

嶺外禽名喚亦奇蒼衣素頰性多知漫將翠羽誇鸚鵡
祇覺清音奪畫眉瘴海舊林歸夢遠朱籠斜日向人悲
一聲婉轉西風冷玉輦空山有所思

和前韻

柏齡

炎方珍鳥見來奇
閱遍禽經未得知
金屋漫憐同翠羽
雪顚渾欲妒蛾眉
喚殘碧海三更夢
吟動蒼梧萬古悲
誰把玉筴籠致爾
異鄉飲啄起人思

九藥示介維用皮日休夏首病愈因招魯望韻

九藥晨披白袷衣
在公何異卧巖扉
漫言帆影橫江少
且喜花香入座微
檻舞一雙仙蝶麗
厨烹尺半鯉魚肥
連朝拚得吟詩瘦
祇要風流鬪陸機

次韻奉酬

柏齡

秋老虔南正葛衣披襟遙憶舊荆扉連宵候月來花外

幾日攀蘿到翠微

謂魏微君隱處

曲沼網歸魚婢小雕盤剝出

荔奴肥仙郎座上惟酬和相對真堪息世機

宋牧仲使君留飲書齋即席有作

正韻

寧都魏

禧冰叔

秋晚尋醫過賴江使君遲我讀書堂風吹北院清歌隔
雨灑東牕夜話長蘭簿交新渾似故橋盤坐久不聞香
最憐出語闕民瘼手把醇醪未忍嘗

奉酬

歲晚相思隔潁江，何期聽雨共蕉牕。
人驚世外來簷聳，病起宵深對酒缸。
道德願留關尹喜，風流真接鹿門龐。
最憐萬石洪鐘在一寸，孤筵未許撞。

蕉花追和葉元禮韻

綠天但說濃陰好，吐秀涼秋見未曾。
密蕊暗依花辦辦，孤芳倒壓葉層層。
香從暖發宜炎徼，露喜晨流慰茂陵。
采采正憐同菡萏，何須修竹苦相繩。

和前韻

柏齡

秋來綠蔭看逾好花發閒牕得未曾傲竹暗抽莖幾丈
比蓮難盡辦千層露深不藉銅盤受風至愁將絳節陵
一種甘香真絕異楚騷空復美胡繩

游通天巖作

宋陽行先隱
此號玉巖翁

凌晨越章波杖策遵江徼野日破煙霏心閒展遊眺稍
窮林薄紆遂歷岡陵峭千巖如蹲鴟突兀藏靈奧既至
儼堂隍通天維一竅雕鏤信鬼工曲折存遺廟山根洞

穴穿偃僂僧徒尊豁然世界殊飛空巨石倒崎嶇難具
陳盤礴發狂叫伊余厭塵囂探奇慰所好緬彼玉巖翁
彷彿聞清嘯諸賢相繼來忘歸領其妙觸目多遐蹤眷
言託同調夕陽猿鳥鳴移情此雲嶠磨墨搦題名千年
碧苔掃

和前韻

柏齡

蘭橈亂奔流筍輿出幽微礧路凌高寒晴空恣雄眺越
彼停雲岡石勢愈巉峭仙源湛水木萬古藏僻奧鬼斧

亦何工玲瓏鑿一竅碩人此盤礴千秋儼遺廟仰瞻愧
後塵冥搜託前導更窮邃洞紆忽訝懸崖倒羣山青濛
濛惟聞猿狖叫既異少文遊良慰康樂好想見開闢初
矯首發長嘯憑弔多古音歷覽收衆妙詎惜下里歌上
擬白雪調待緝薜荔裳來卧芙蓉嶠為問巖棲僧荒蘿
幾人掃

月夜同介維暨子基至著飲東勝山精舍

雙江風土連炎州歲暮那復披羊裘放衙行藥策藤杖

長歌還向招提遊城隅一徑入蒼靄
花闌竹塢藏層丘講堂開處碧苔滿
余曾題作山之幽斜陽欲墮衆鳥集
鷓鴣呼伴聲鉤輈俄驚紫燕舞牆角
社日已過仍淹留僧言此地少霜雪
臘月時或開桃榴我有嘉賓盛才調
崢嶸賦手追應劉同來命酒待明月
興酣落筆雲煙浮兒曹識字強學步
微吟彷彿已人謳玉盤漸見湧林樾
松篁影亂紛蛟蚪仰天大叫發狂態
杯傾不盡章波流今夕何夕樂無極
盤桓叢桂簪堪抽參橫月落下山去

臨風徙倚空搔頭

和前韻

柏齡

仙郎奉使來虔州，倏忽夏葛還冬裘。
雙江政平日無事，放衙常作花宮遊。
此山突兀傍城角，禪關曲折隨林丘。
白頭老僧意瀟灑，手植百果耽清幽。
使君過此雨初霽，山門寂歷停華輈。
擔壺挈榼踵相繼，日云暮矣仍淹留。
木奴滿前香未了，山茶欲傲炎天榴。
即此一壺足盤礴，招隱何必淮南劉。
使君興至發高詠，硬黃紙上松煙浮。

居然天庭振大呂非徒瑣細工吟謳羣從意氣盡磊落
下筆恍見騰蛟蚪須臾暝煙淡叢薄中庭忽覩金波流
新筍滿酌那辭醉狂來聊復殘毫抽沉沉銀箭催不起
濡墨擬黑張顛頭

寄懷牧仲虔州

新城 王士禎 阮亭

虔州界閩湘蘭蕙賤于草復有寶珠香玉雪映清曉江
城微雨過炎瘴淨如掃高齋開八牕豁達涼風早方床
黃琉璃卧起日杲杲清芬惱魂夢仙膚愛綦繡嶺外陸

郎花未敢闢娟好昨歲在京國冠蓋苦紛擾朱門多林
塘無由聽啼鳥今年八境臺雙江入登眺閒註詩楚騷
多識不為少遙憶書到時賴石風嫋嫋

次韻奉答

繫余別京畿嚴霜彫百草故人相祖送駐馬桑乾曉回
首歲月遷舊迹忽如掃江山信阻修坐驚白髮早瘴癘
積晨昏鮮見日杲杲素心寄瑤華不數延陵編為言章
貢佳佩紉秋蘭好豈意當關勞羽檄嗟紛擾那窮雲壑

幽聊復親花鳥時登八境臺側身中原眺迢迢霄漢間
古道如君少心同訟閣鈴臨風恒嫋嫋

移寓四絕句寄宋牧仲員外

宣城

施閏章

愚山

新移客舍面朝陽容膝攤書即草堂向夕疎簾從半捲
好教明月到匡床

書聲不敵市聲喧恨少蓬蒿且閉門此地棲遲曾宋玉
蘚牆零落舊題痕

葡萄霜際葉蕭森物色兼催遲暮心好處爭誇在三伏

桃笙烏几綠陰深

年侵出處自嫌身望遠間闌入夢頻
嶺樹江雲秋未冷
鷓鴣聲裏獨吟人

次韻奉答

虔州風土困驕陽上客堪誇有易堂
安得宣城老詞伯
翠微峰頂共匡床

我居京國壓塵喧手種葡萄綠滿門
此日棲遲君亦得
行吟應破舊苔痕

廬陵百戰氣蕭森
疇昔耕桑節使心
白鷺講堂何處覓

空洲燐火亂宵深

愚山觀察廬陵
日建白鷺書院

孤臺北望杖隨身
迢遞雲霄尺素頻
三案是非從此定
乍聞館閣得斯人

歲暮集亦蘇堂即席限韻

握筭真何補
霜華點鬢新
山僧初薦果
官閣正留賓
心遠江湖狎
時艱歲序頻
自憐餘賦筆
收拾嶺頭春

附
步前韻

男至

遠道趨庭子雙江入望新
銜杯酬勝地作賦擁嘉賓
籠鳥窺人靜檐蕉過雨頻
離歌猶未發覽眺及芳春
已未除夕喜吳遠度見過席上有作

今年元日留江東與君醉卧扁舟中
今年除夕章水上與君又泛椒花紅
人生邂逅亦難得吾徒令節誇奇逢
當筵一笑快胸臆羈愁消遣隨春風
何以贈我雙錦軸道子圖畫嗟神工
更有華燈妙翦刻五枝青玉將無同
張燈懸畫但鯨飲照耀使院驚兒童
此邦暄暖盛花竹

庭梅久已開芳叢素馨蘭蕙相繼發正宜登眺窮崆峒
君言明發趨嶺嶠丹青貌取羅浮峰我亦江頭命短櫂
乘春謁

帝蓬萊宮賦詩守歲永今夕無令良會徒怱怱千門爆
竹喧未了沉沉忽聽遙天鐘

和前韻

柏齡

吳君潑墨雄江東氣格不落丹青中得名海內三十載
素顏欲改朱顏紅今年使君駐白下元辰柏酒曾相逢

周郎題詩殊敏捷

時雷客有作

嵯峨青翰生條風春帆送我

贛江去妙跡常憶梅花工逡巡流景三百六聯吟竊幸

仙郎同只今除夕日初夕雙江爆竹喧兒童喜君至此

正匝歲中庭蘭蕙開芳叢贈有淋漓雙畫幅煙嵐彷彿

凌崆峒九微佳製更殊絕舉酌勝對鼇山峰頓使蘭臺

動詞賦高吟聲協黃鍾宮佳辰勝事良未易羅浮策杖

嗟怱怱明年聚首向何處還期同聽臺城鐘

題遠度畫三絕句

溪堂秋色佳楓葉空階亂相對兩詩翁長歌竹里館
攤書兩忘言林閒適煮茗門外獨何人沿溪曳煙艇
小閣面前山紫翠當牕入看雲歸未歸長使樵童立

和前韻

柏齡

小築溪山幽秋色莽零亂若非瀼西堂定是柴桑館
楓老欲作花竹煙知煮茗一編靜對餘目送迴溪艇
草閣雲邊開松濤空際入閣上復何人看山閒竚立
喜彭躬菴處士過訪即席賦贈兼送往江南

千仞金精不可攀
荷衣今喜接江關
林巒採藥文章老
湖海盟鷗歲月閒
暮雨清樽留顙石
春風孤櫂過廬山
南中耆舊彫零甚
誰與天涯數往還

和前韻

柏齡

野服雙江喜乍攀
追陪彷彿到松關
不緣令尹冰心迥
那識真人紫氣閒
官舍梅花同一榻
春帆樽酒度千山
分攜最羨冥鴻遠
梗泛何由得共還

題遠度畫竹

柏齡

幽篠密復疎蒼然倚卷石春風坐彈琴一嘯湘煙碧

和前韻

何來柏水翁脩然寫筠石秋風便面生一段瀟湘碧

舟下十八灘用林澹亭戶部遊南華寺韻

章貢此交流水石驚千變虎牙激奔濤未許褰裳踐鼓
櫂念乘危亭午忘朝膳盤旋百折遙象馬瞿塘見搖搖
三板船遠下疾于箭青山兩岸佳咫尺不及盼長年倚
舵樓目注心還戰羨彼水上鷗容與隨風便纔經洄洑

艱又逐欽寄轉楓林送啼鵲沙渚竄野艇暮過惶恐灘
漸覩江如練蘋藻薦文山斜月浮波面

和前韻

柏齡

潁水東萬山湍激紛詭變積雨添春波畫鷁喜初踐駛
流挾微風冷然忘寢膳倏忽龍淵翻峻嶒虎牙見危埒
駟注坡撤若弩送箭曲折爭毫芒瞬息不及盼縱有長
年師心悸股亦戰所嗟萍梗蹤難假羽翼便徒訝崖壁
竒蓬牕互迴轉深林聞鷓鴣洞穴愁猥挺行行薄五雲

坐詠澄江練千里信輕帆快覩廬截面

舟過彭蠡望匡廬用澹亭遊懸空寺韻

昔我東遊登泰岱天下名山皆兒孫今從舟中望廬阜
始知嶽外茲山尊排空拔地幾萬仞身雖未至搖心魂
香爐峯聳插霄漢橫峰側嶺相崩奔虎溪何處鹿洞杳
五老俯瞰南康門雨餘瀑布瀉衆壑間雲不蔽飛流痕
俄驚野燒起邃谷照耀石筍紛高蹲蓬牕坐對嵐氣重
湖光吞吐忘朝昏屏風九疊莽迴互神仙窟宅通崑崙

匡生結廬已千載後來頻駐幽人軒林巒咫尺不可即
生平微尚將誰論臨風三歎廢眠食山靈知我愁懷繁
願同白鶴鼓雙翅飄然獨向蒼巖翻

和前韻

柏齡

惟數淺原見禹貢千秋嘉遯遊王孫蔚然靈秀甲天下
職方羣嶽難稱尊夙從圖史豔名勝望見未得搖精魂
春帆適過彭蠡渚積翠忽共洪濤奔側身仰望不可極
橫壓地軸排天門是日日霽湖氣淨白雲斂盡無纖痕

鑪峰劍峰總霄漢其下列阜如鷗蹲玉龍隱見掛千尺
金波欲上白日昏虎溪鹿洞發幽想恍涉瑤海瞻崑崙
斯時夜色淡天宇舵樓縹緲開層軒酌酒試揖五老飲
飄然逸興誰堪論吁嗟匡君竟何許芙蓉自碧明星繁
狂吟欲就風乍起蓬牖卧聽驚濤翻

附
步前韻

至

匡廬之山鎮南服峰如苞竹抽龍孫我來扁舟出其
下巍然勢壓鄱湖尊屏風九疊散層翠一一突兀驚

心魂千巖萬壑競趨赴茲山屹立看崩奔螺旋瓠剖
望不極宵眇畧辨山之門煙嵐斂盡雨初霽匹練猶
掛飛流痕獨有五老更奇絕嵯峨各向晴空蹲東林
開先邈何許鐘聲恍聽來黃昏須臾野燒起山半北
燭碣石西崑崙髮髯絳節會羣帝定有白鹿隨飛軒
吁嗟靈異幻今古紛紛俗子誰堪論洞天咫尺渺難
即愁吟徒使胸懷繁夜深風急雲似墨蛟龍欲起湖
波翻

遊石鐘山次晦山大師韻二首

維舟依洞壑振策向孤峰
吞吐江湖水銓寄上下鐘巖
危蹲虎豹樹老走蛟龍
目極風帆渺雲濤正盪胸
勝地水經著高文蘇子留嵐光侵縣市鐘響答江流
鷗許尊前狎人驚戰後遊贊公今寂寞遺唱付滄洲

和前韻

柏齡

天地來雙屐江湖壯此峰
怒濤從齧石幽澗欲聞鐘
徑轉迷荒雉巖虛凜蟄龍雲帆看不極
萬里拓心胸

舟楫三春至江山百戰留孤城依疊嶂禪室枕奔流共
策盧敖杖閒追蘇子遊倚欄漁唱起落照滿前洲

附
步前韻

基

匡廬猶在望更此歷危峰突兀松盤磴旬旬壑起鐘
波光涵殿閣石勢走蛟龍搔首江天迴開茲曠盪胸
烽火三年後孤亭此尚留湍從深磴落石枕大江流
畫舫乘春至花闌逐伴遊萋萋芳草綠鷗鷺滿汀洲

附
步前韻

至

已盡匡廬勝登臨更此峰湍飛穿釣石風急悞僧鐘
過眼帆隨鴈驚心樹化龍春波逾浩蕩極望一開胸
蹋遍尋山屐征帆喜暫留風傳深谷響聲入大江流
倚檻當斜日捫蘿憶舊遊坡公饒逸興長嘯滿滄洲

江行

船尾紅旗獵獵斜江天遙度幾雲沙風輕日暖蓬牕啓
穩坐中流看九華

附
步前韻

男著

駘蕩輕風日欲斜
雲煙縹緲接平沙
舟人指點江天外
朵朵芙蓉是九華

野泊

濤聲當暮急帆影落平沙
白鳥窺魚網青山出菜花
江湖行欲遍京國望還賒
閒共篙師語汀洲片月斜

和前韻

柏齡

落日來秋浦征撓駐淺沙
煙生歌岸柳香送遠村花
片月依人近三山入望賒
誰憐未歸鴈江上數行斜

附
步前韻

至

荒陂朝雨過淺水浴明沙小泊隨漁舫微香送菜花
春深江勢濶鄉遠客愁賒矯首煙汀外峰高片月斜

荻港避風二首

石尤風急舞江豚悵望中流落照昏遠岫連雲迷九子
驚濤捲雪下天門煙生曲港輕帆集潮打危磯廢壘存
多少齊梁遺恨在漁歌欵乃自沙村

春風小市賣河豚薄暮津亭水氣昏不住江濤崩荻岸

俄驚山月照松門
漁樵有侶青山住
鐘磬無聲古廟存
明發揚舲更東下
杜鵑啼處幾家村

和前韻

柏齡

無邊雪浪捲江豚
風際收帆日欲昏
夾岸人家喧水市
半山佛剎隱松門
鳩茲路隔春雲杳
板子磯高古戍存
明月舵樓閒對酒
數聲社鼓起遙村

附步前韻

至

人家籬落散雞豚
板子磯頭日已昏
一簇雲沙明荻

港無邊雪浪走天門停橈野岸輕煙合吹角江樓古
戍存蓬底瓦甌堪獨酌朦朧斜月照孤村

登謫仙樓

危樓獨眺大江隈落日雲煙杖底開鞭撻風騷人不見
憑陵搏酒月仍來松門曲檻飄清籟碑仆空廊繡碧苔
欲賦迎神還閣筆千秋慚對謫仙才

和前韻

柏齡

輕風斜日到江隈江上飛樓四望開萬古人同明月在

三春客逐野鷗來，丹青滿壁留雲嶠。
煙雨空庭積翠苔，曠代風流誰繼起。
祇今獨羨出羣才。

二老歎

有序

余行大江以南，見二老焉。其行事有足異者，爰著于篇，命為二老歎，竊比于白樂天之秦中吟云：

維漢二千石，爵高權亦專。龔黃有遺烈，千載揚簡編。
我行見太守，名郡儼神仙。出入擁旌旆，道路恒喧闐。
簿書委官閣，日午猶宴眠。萬金設僧飯，百金開歌筵。
遂將惟

正供揮霍如流泉昨奉大府牒責篋庫藏錢漏卮其何
補稱貸及市廛百端索屬吏湯火相熬煎稍稍囊橐充
又復事管絃元宵觀火樹一樹值十千旁人為太息座
上方陶然嗟哉此一老霜華已盈顛但恐已所欲不問
民顛連朝廷有功令煌煌日麗天何事位邦伯褒如充
耳焉爰為一老歎用代相鼠篇

征商維古制本抑逐末人豈意當關者竟同虎豹蹲朝
出楚江道帆檣蔽通津正值節使出冠蓋如雲屯僕從

何赫奕登舟來箕繡爰有吳地賈絲絮前具陳苛計溢
銖兩遂撓節使嗔敲扑等劇盜仍責贖罪銀稅一罰乃
百取不俛首遵揚揚方得意歸誇筵上賓嗟哉此一老
貴遊名譽振胡為遲暮年惟與阿堵親倒行而逆施觀
此愴心神再為一老歎願勿效其顰

讀雙江倡和集作

閏章

坡公遊處路重經訝許詩人共客亭留得板橋長好
在使星曾伴少微星

荔子桑花勸客杯
匡雲東送片帆迴
鬱孤臺畔休回首
早捲雙江雪浪來

宜興
陳維崧 其年

君昔射虎蘄黃州
虎腥亂濺青貂裘
年來不作卞莊子
慣逐我曹為雅遊
長安十子最籍籍
格律妥帖推商丘
雙江一編歟
駢幻奇而不詭
蒼然幽孟韓相值
亦退舍萬牛穀
鯨迴其軀乃識使
筆若使弩猛氣一
撇誰能留朝士
昨聞槎使到競詢
蒟醬和安榴那知

蕭然百無勝只有吟卷追曹劉鬱孤臺下聯水驛高
檣如薺煙中浮清吟半入黎母唱一半散作珠娘謳
日余捷闢擁獨樹壽藤怪蔓纏蒼蚪配君此編兩疎
豁樹根仰讀嗟風流秋光連日劇無賴野籬菊蕊行
將抽何能與汝出城去倒騎烏犢西山頭

用集中月
夜飲東勝

山精舍
原韻

莆田

林堯英

澹亭

屋背神鵲喧晴朝石根老柏垂勁條望子晨星久落

落忍喜稅鞅塵聲消左停鞭弭右鞅屬有若進水迴

赤蛟竹寮炯炯好圍坐

時牧仲同阮亭實菴游亭自峨嵋蛟門方山集余寓齋

言清興窮遊遨虔州二月春如海雜花結障莖抽苞

更躡鬱孤臺眺聽崩雲千丈迎飛潮砰訇雷鼓日奔

吼崆峒天竺疑動搖城南官閣靜無事不辭佳客頻

招邀共翦谿藤命虎僕江風吹字成青瑤顧我經游

已十載螺亭入夢真湫漻把君此卷轉自失恨無傑

句留山椒投以小詩當杜舉徑須痛飲訶陵醪

安丘
曹貞吉 實菴

浩思臨風不易裁
振衣獨上鬱孤臺
扁舟誰破澄江色
白板橋頭處士來

納納溪聲走白沙
魚床蟹舍兩三家
嗟安主客圖中句
輸爾青山出菜花

吹浪船頭豚拜趨
峭帆如鷺下彭湖
一雙斑管凌江去
玉立分明大小孤

雛鳳聲隨老鳳哦
中原文筆宋家多
他年名字雞壇

上爭許人閒喚小坡

江陰
曹禾峨嵎

曾侍高唐賦筆奇重來楚澤騁新辭無端十八灘頭
水流出雙江偈和詩

賓從風流一代才清吟同上鬱孤臺金精山裏高眠
客披著荷衣入座來

我望廬山二十年至今塵土隔青天輸君行役能相
訪幾首新詩衆口傳

江都
汪懋麟
蛟門

橫江館外大江秋
八境臺前月滿樓
句子怪多湖海氣
黃州曾歷又虔州

德州
謝重輝
方山

抹麗芳蘭次第開
使君花底放船迴
尋常苦抱名山癖
便為雙江也合來

卧閣閒吟日欲斜
尋幽時過野人家
極知覽眺多佳句
偏愛青山出菜花



西陂類稿卷四

欽定四庫全書

集部

西陂類稿卷

五
八

詳校官起居注主事_臣顧宗泰

助教_臣常循覆勘

總校官檢討_臣何思鈞

校對官編修_臣勵守謙

謄錄監生_臣朱腹松

欽定四庫全書

西陂類稿卷五

吏部尚書宋肇撰

回中集

望居庸關

羣山迴合來遠向都城壓千峰直北竒儼如劍騰匣支
筇走山麓紫翠落衣袷巉巖居庸關虎踞不可狎似聞
瀑布喧何處彈琴峽顧此險要區疇昔屯兵甲祇今

帝德遙僻壤皆淪洽矧在郊圻間奚用旌旗插擊柝良
足為棄襦應未乏春風林際吹嬌鶯啼恰恰躋攀咫尺
艱心同兕閉桺長歌羨向平村醪且須呷

鞏華城候請

仁孝

孝昭兩皇后梓宮旋有事先驅聞同官謝方山將至留

此示之用東坡送陳睦知潭州韻

鞏華別殿雲浮棟北眺層巒如覆甕山陵巨典走千官

羽林雜踏聯飛鞚嗚呼

兩后德孔彰出祖靈輿

帝悲痛周廬迤邐枕長河水淺沙明宛流承微雨灑道
鹵簿陳風卷旌旗閃雙鳳故人幾日阻同遊頓使中宵
託幽夢維余祇役效前驅回首春林暝煙重聞君肅肅
逐鵷班匍匐郊垆來哭送詩留店壁待和歌坐聽城樓
角聲動欲知何處最相思歸途明月盤山弄

仁孝皇后輓詩

曳綈傳大內駕鳳忽層霄天付

儲君重人思壺範遙霑襟勞

聖主執紼走官僚忍見芳春日陵花帶恨飄

孝昭皇后輓詩

淑德傳聞久

中宮繼位初未成編女則俄見昇靈輿旌旆行相引風
雲慘不舒小臣歌薤露隕涕望周廬

鞏華城北新得溫泉

上命濬源甃池聽人往浴賦詩恭紀

鞏華城北碧峯前新甃湯池勝地偏不比離宮開繡嶺
偶來駐蹕得甘泉氤氲氣接嵐光吐蕭瑟聲同珮響傳
從此祓除歌

帝德真成寒谷變溫年

孤山三首

突起孤峯曠野閒峻嶒亂石出榛菅

翠華縹緲曾經此好錫嘉名駐蹕山

前朝風物有花宮山脊紆迴窄徑通尋得石幢無一字
浮圖依舊冷煙中

巖畔褰衣落照明潞河兩岸見春耕遙思大小孤山在
觸迂江湖捩柁情

薊州崆峒山用放翁臨別成都帳飲萬里橋韻

山有

府君廟祀唐崔子玉相
傳子玉乘白馬來此

薊門以北遵溪橋青松夾道風蕭蕭亂石聲確草痕碧
霜蹄騰蹋我馬驕崆峒咫尺足遊眺壁立千仞真宮甃

于役得從方外樂扶筇載酒非無聊是日乍霽陽氣盛
盤礴頓擬拋狐貂捫蘿攀葛穿礪壑健如牛犢陵山椒
黃帝問道或此地遺蹤莫辨千年遙府君舊騎白馬至
其神何處不可招

孝陵東望連碣海峰巒合沓千雲霄鬱蔥佳氣龍虎抱
晴霞一道儼絳綃行逐飲飛隨我

后匍匐遠向幽宮朝杯傾絕頂霑僕御斜陽回首橫山
腰會當解綬窮五嶽青鞵布韉分漁樵如猿離檻魚脫

餌長歌起舞憂懷消

獨樂寺二首

寺有李太白書觀音之閣四字及元蒙哥帝為賽典赤所立賢牧碑先公

開府漁陽日曾攜壺來遊今三十六年矣

雙林尋獨樂攬轡薊門過殿閣諸天迴登臨往蹟多
書傳太白遺碣有蒙哥坐聽晨鐘響將余念薜蘿

在昔趨庭至於今扈蹕遊感時同過鳥灑淚自登樓
節鉞風前邈雲山檻外收故人餘老衲相對雪盈頭

望

孝陵用少陵九成宮韻

其中主山原名豐臺今更名壽臺遵化城北咫尺為先臣駐

節地

夙聞華山巔清泉貯石臼未若橋陵竒一水龍門口壽臺擁羣峯蒼崖儼戶牖禁禦環林巒神宮逼牛斗嗚呼

先皇帝至德及飛走執戟感疇昔灑淚來原藪開創仰聖功天壤同不朽迄今二十年歌頌遍九有王氣信鬱盤隧道熊羆守展謁阻未僚難附公卿後寢殿闕以寥竚立徘徊久節鉞懷先臣臨風更翹首

石門望石將軍用放翁風雨中望峽口諸山韻

漢漁

陽太守張純叛靈帝遣中郎將孟溫率公孫純往伐之大破于石門即此地也

石門之山幽薊雄兩崖對峙凌蒼穹石人屹立撫長劍
猛氣凜烈橫秋容傳聞漢代代叛守六師此地成奇功
其人已歿迹已泯此石恒轟煙嵐中昔我經過歎靈異
桓桓之勢來空濛重遊忽復三紀後形貌還與當年同
苔蝕兜鍪雨淋甲山隅蕭颯鳴悲風

馬上見新燕

山逕逶迤繡碧苔
薊門煙樹望中開
春風策馬桃花寺
乍見雙雙燕子來

盤山詩六首

冒雨訪名山既至雨忽霽
巉巖盡刻露歸雲曉溶滴五
峯互低昂青翠落幽薊
初途得感化碑紀保大歲法象
最淒涼遺構荆榛翳旭日照山
椒石磴盤天際嘉遊方

自茲小向精廬憩

自感化寺歷少林
中盤古中盤諸勝

發興窮林壑賴此孤筇拄
威紆循澗濱曲折穿山塢
礪

礪亂石堆遠近無纖土時見巖穴中幾點桃含雨路旁
瞭甲石上有清泉吐遺跡恐荒唐姑聽樵夫語行經少
林寺宗風緬初祖咫尺望中盤對啓青蓮宇微聞仙梵
幽寂歷日亭午塔院近可尋池愛紅龍古誰從峭壁間
貌得錢塘怒想像香臺側震蕩風雷鼓淹留酌澄碧游
鯈粲可數當春雄雉鳴似應丁丁斧高矚凌晴空遙探
偕法侶舒嘯振叢薄寧畏豺與虎

瞭甲石傳為唐太宗東征時遺跡

茲山最佳處實維古中盤幽磴幾登頓怪石驚噴岬或

如屋宇疊或如象馬攢或拱如野叟或矯如翔鸞花宮
忽仰覲琅璫響雲端精舍連邃洞詰曲施朱欄突兀五
松樹正蔭說法壇長風一披拂白晝濤聲寒道人南國
秀十載此盤桓

至尊昔臨幸

宸翰留層巒昭回倬雲漢豐碑宜雕刻皇矣

聖人作欲和良獨難

寺僧佛藏
維揚人

萱芽芼作蔬松花采作餅一飽不願餘斜陽掛西嶺左

踏屋角梯萬松如列屏嵯峨紫蓋峰望去不見頂石窟
千年樹幹作三尺挺撫之詎忍去長歌扣其癭右尋談
經石陂陀更幽迴虬枝少拘束老此無人境有句不能
道嗟如喉有韻嚶嚶谷鳥鳴徘徊步清影天外九華高
直擬驂螭騁

空山正寂寥何處人語響遙見故人來臨風披鶴氅洪
厓許拍肩一笑穿雲上

王宮詹吳廬洪
子昉思後至

聊啜僧厨粥旋

策山隅杖看松訝作龍拜石呼為丈願結煙霞隣拾此

栗與橡嗟余王事迫返駕意悵惘絕頂舍利塔翠律不
得往佛牙走樵牧聖燈驚魍魎勝蹟匪自今遠望但合
掌其餘棲隱地一一託遐想寄語青溝僧終期共幽賞

舍利塔頂以地震墮內有小金棺貯定光佛牙
及舍利子聖燈恒于除夕見之青溝僧拙菴也

朝望白雲來暮移青松歸石逕屢延佇余情實依依返
景帶山杏夕磬響巖扉弄泉聊盥漱寒色上人衣道逢
八十翁談笑共忘機此中事事佳豈獨娛清暉退尋入
村舍燈下蝙蝠飛賦詩興不淺濁酒杯堪揮五更望殘

月流光破煙霏倚馬語僮僕我心仍翠微

將至都門寄阮亭祭酒

曠望長安道春風嘯咏還故人如問訊袖裏有盤山

扈送

梓宮瞻望

陵寢情易蒼涼遊賞之篇風尤遐散拔其五言雋永不
獨步武蘇陸即謝客之警句蘇州之逸響尚泠泠未
歇也牧仲官在法曹擅能政事而性癖苦吟雙江扇

美于和歌回中抒懷于登望鄴下梁園于茲復秀矣
宣城施閨章跋

西山倡和詩

將遊西山謝方山送酒

結伴看山待詰朝故人新釀寄來遙
金椒道士眞輸我不得蘇州酒一瓢

附
前題

至

春來花雨頻勞夢芒屨閒尋破旅愁
却喜宣城真好

事一餅羅酒餞山遊

由高梁橋往西山經真覺萬壽諸寺用阮亭祭酒

西山道中韻

曉渡高梁橋迤邐遵晴波千峯來馬首寸心凌嵯峨深
林莽迴互路轉紛陂陀初地尋五塔方臺俯層阿番華
爛寶座嚴從兜率過鄰寺饒古栢壤砌清陰羅巨鐘鑄
法藏字比春蠶多殘英作鞵紅故衣憐邢娥提携一節
杖此外遑恤他

附
西山道中

至

鶯花三月漾春暉
杏子開殘桑葉肥
廢寺尋來碑半仆
斷橋行處柳成圍
抽芒小麥翻青浪
掠水輕鷗鬪素衣
望裏諸峯圖畫好
吟鞭早喜謝塵鞿

玉泉

清泉噴薄散驪珠
咫尺流為裂帛湖
常送寒淙穿大內
新開水殿傲三吳
煙霞窟宅天留勝
楊柳汀洲畫不殊
淼淼恩波閒極目
願同黃鵠一霑濡

自玉泉至卧佛寺宿用東坡次正輔同遊白水山

韻

西山之麓湖之涯玉泉亭榭開

天家訪古已入華巖洞徘徊敢駐巾柴車耶律孤墳竟
何在荒煙一抹宮人斜樵夫導客遊卧佛蒼巖抱處雲
林嘉其旁咫尺維退谷其巔古寺有五華尋幽無事相
迫促入門且看山桃花杳攔夾殿作蚪舞油油新葉濃
陰加披襟跂脚送落日斗大樹癭輿徒誇故人命酒余

戒飲清泉一勺煎三椀牆隅小丘啟紺宇盤桓直欲凌
丹霞微風不動萬籟靜何來聒耳紛鳴蛙方塘漱灩鑿
山趾一泓不異樽蠶窪黃昏待月坐精舍跣趺豈與維
摩差夜闌耿耿增感觸繕性未熟同蒸沙詩成題壁字
敲側懸知他日無籠紗錢翊屬和意良厚我詩尚望攻
其瑕參橫月落重呼酒倦僕相顧生咨嗟空階倚杖望
碧漢迢迢不見纖雲遮明朝結伴窮礪壑山靈知我不
我遐晨鐘忽動掉頭去松梢蕭蕭盤飛鴉

附步前韻

至

太行迢遞橫天涯西山之麓堪為家良辰選勝欣就
道擔簦提榼隨牛車蒼崖邃洞恣搜剔裂帛湖水漾
日斜爾雅所載信非妄甘泉時降萬物嘉行行為詢
耶律墓竚聞野寺演法華大師之墳遶榛莽不封不
樹憐鶯花委蛇一徑達山腹森森竹栢相交加荒涼
古刹起何代秘斲樹老人驚誇山櫻欲熟鳥先啄新
葉蔭砌紛枝樞殿宇無人帶掛壁飛鷗棲竄也煙霞

須臾暝色冠林薄，草根時復鳴春蛙。
杯行到手一仰眺，跣趺恰喜當山窪。
老僧導予看卧佛，諸天羅列肩相差。
村煙鬼火兩明滅，微聞巖溜濺溪沙。
雨牆題句勞屬和，迷離醉眼如籠紗。
四山明月靜萬籟，玉盤却愛無纖瑕。
披襟殿角匝獨樹，行吟聲苦同咨嗟。
五華鐘磬下天際，傾耳未許岡巒遮。
夜來塔燈光燄燄，香山可望知非遐。
明朝跨馬躡險去，蒼松夾路喧啼鴉。
遊退谷尋水盡頭，次阮亭韻。

如笠亭開退谷前四山積翠落層巔
花圍曲檻宜呼酒
木架荒崖任引泉
跼石尋源聞浙漚
臨溪濯足愛淪漣
蘿陰窈窕苔磯靜
坐聽樵歌勝賞偏

廣泉寺用阮亭題鈍菴洞庭詩卷韻

山椒旭日哢春禽
破寺何妨振策尋
荒逕有人挑筍蕨
殘碑無字紀遼金
禪房疊石吳中手
別院看花世外心
雅愛僧雛能解事
硬黃一幅索清吟

和前韻

栢齡

松逕斜穿逐野禽
數椽新構足幽尋
興來欲訪彌天釋
山好何須布地金
樹外渾河能極目
窓前花雨了無心
泉聲只在香臺畔
傾耳閒庭起越吟

碧雲寺二首

寺後有魏
忠賢墓

放眼來青嶂齋心入碧雲
樓臺當磧起鐘磬隔花聞
初地惟流水空山又夕曛
寄言猿鶴侶何日許為羣
刑餘開黨禍國運遂迤邐
何事窮奇骨仍埋大梵林
鳥催落日石馬卧荒煙
一種松楸地應無牧豎憐

和前韻

栢齡

一寺皆流水諸天迴碧雲到門森木合過磴遠鐘聞洞壑留

宸藻樓臺麗夕曛貂璫丘壠在孤貉自為羣

宿香山來青軒懷愚山侍講阮亭祭酒即用愚山蘇門山韻

碧雲赫弘敞我意不再踐茲山荒而幽林壑見亦鮮磴道噴清泉松門積蒼蘚香臺花吐苞姚魏略可辨殿側

訪崇軒開襟興不淺宮闕迴明滅煙嵐互舒卷煌煌
宸翰留千秋重絕巘張燈聞放梵對酒思摘阮呼兒此
題名廿年懷抱展臨巖望故人春衣露華泣

附
步前韻

至

初地跨山腹細路羊牛踐門荒匝春流剝啄人來鮮
捫蘿快夕遊跣趺藉苔蘚土花蝕殘碣時代誰能辨
想像

翠華留揮毫興不淺僧徒止予宿風簾始一卷坐起

揖纖阿酌酒西山巘覽眺企向禽歌嘯緬嵇阮聊息
登頓疲漸覺懷抱展夜闌風景佳露下清泫泫

雨中由磴道上洪光寺二首

我遊得一奇維此招提徑紆迴十八盤老栢夾危磴霏
霏小雨來蕭晨作輕暝樹色雜煙嵐到眼殊幽勝衣袂
霑古香竚立發清興林隙望山門天風送孤磬

闢地自中使規模倣朝鮮毘盧繞千佛法像窮諸天攝
幢盡奇麗照耀蒼崖巔胡為名勝區僧徒散如煙影堂

弔山鬼松鼠竄几筵荒寒不可留亭午風淒然却顧階
除上遊蹤破苔錢

和前韻

栢齡

未窮香山遊已穿洪光徑盤道何迂迴九折凌幽磴微
雨生遙空萬栢翠欲暝紺宮迴寂寥宛轉造其勝欲訪
支公禪不減康樂興春風吹我衣隔煙數聲磬

附
步前韻

至

朝來野日昏微雨灑幽徑穿藤溼芒屨杖策破苔磴

松杉交上頭作意弄煙暝未窮佛閣奇已訝山路勝
小憩據石牀狂叫發清興遙聞山鳥呼依稀答僧磬
入門何闌寂樹古苔色鮮禮佛啟中殿屋老通青天
月鏡與雲旗羅照華座巔僧徒去已久竈冷無炊煙
飢鳥下階砌鼠登几筵回望香山閣枯栢鬱蒼然
稍恨春遊晚落盡榆莢錢

盧師山歌用東坡遊徑山韻

塵迹却掃尋名山渾如涸鮒投長川特訪盧師徑榛莽

欣從法界相周旋惟師初自江南至扁舟容與凌重淵
舟所止處便跌坐卓錫闢地茲山巔至今古洞留短柏
還看遠坐開青蓮左右二龍為弟子行雨想像騰蜿蜒
始知是物具佛性豈有達士識叅禪孤亭俯礪樹森立
黃棟初發榆飄錢我來駐屐一長嘯鋪茵愛聽松風眠
遠望麥畦作翠毯空天明滅飛鳥鳶人生有涯樂且樂
奚取白髮恒憂煎况我少無適俗韻每於丘壑求安便
竟須誅茅隨衲子挹泉嚼蕊心陶然那能苦戀太倉米

跼蹐轅下嗟年年

和前韻

柏齡

盧溝之北盧師山山勢迴合如輞川礧道屈曲不易到
一路行迹同螺旋巨石鎮壓是何物或言下乃蛟龍淵
吾聞師來自江介破船欲拂蓬山巔從風蕩漾任所止
一朝此地開青蓮師乎兀坐洞壑畔小青大青隨蜿蜒
毒龍一制了無事秘魔從此留安禪我來暮春春日霽
楊柳飛絮榆飛錢披襟策杖歷重險脫帽直向幽崖眠

仰天長嘯激清響白日欲下高飛鳶龍團一餅出行橐
林間石鼎手自煎恣意盤礴此亦得青松白日良靜便
洞門古栢不三尺遺跡一覩心茫然師乎掉船竟何處
滄桑倏忽驚千年

附
步前韻

至

盧師結宇環青山谷深崖迴如斜川微雨纔過景色
霽短筇與我相周旋桑乾故道蔽叢木下瞰不見蛟
龍淵羅雀童子來日暮收拾媒翳當層巔須臾顧免

湧林樾照耀佛座開青蓮眼前洞壑盡詭異咫尺想
見騰蜿蜒繫余何事雜塵迹到來忽復思逃禪夜深
僧廚共麤飯芼以澗蔬蒸揄錢青松濤起聒兩耳高
枕直欲凌風眠幽鳥棲定人跡絕仰面驚墮雙飛鳶
新詩怙屈愧韓孟推敲字句心熬煎俯臨翠微不五
里此去沙路殊安便香臺坐久露華重停杯四望天
茫然吁嗟盧師歸何處手植短栢榮千年

秘魔崖晚坐

向夕蒼崖訪秘魔孤亭微雨對煙蘿長松自作驚濤響
不見扁舟泊磻阿

和前韻

栢齡

逸事千秋說秘魔斷崖流水映松蘿春風小憩孤亭晚
山鬼依稀嘯磻阿

雨後過翠微寺

一徑穿林樾看山向翠微松門過宿雨塔院得清暉絕
壁蒼藤掛閒階碧條圓老僧辦粗糲知我憺忘歸

和前韻

栢齡

十里到松扉花宮隱翠微
遠山澄宿霧小院澹春暉
天矯蘿千尺扶疎樹幾圍
未須窮絕頂只此足忘歸

皇姑寺

扣馬名高中憫中斜陽幽寺帶芳叢
黃沙翠輦當時恨畫幔雲旗異代崇
流水若教能納諫奪門奚事更論功
淒涼尼子迎神曲不少人間烈士風

同介維至兒豐臺看芍藥遲梁藥亭蔣京少不至

用東坡定惠院寓居月夜偶出韻

殿春花發作勝遊折簡邀賓自前夜微雨纔過曉風輕
一路看松馬頻下出城正值分秧天田類僧衣暗泉瀉
綠楊橋外小塢幽林隙遙憐一枝亞亭開爛漫雲錦堆
竹几繩牀許相借深杯漱澹那忍辭到眼花開又花謝
蓬蒿二仲悵莫同錢起吟鞭來隔舍和詩髣髴雙江濱
但少黃柑與紅蔗盤空硬句擊鉢催橐鞬周旋吁可怕
淋漓醉墨寫短牆野老來看任嘲罵

和前韻

栢齡

看花有約去恐遲中宵攬衣起問夜平明連騎出城南
一逕斜穿柳陰下曲渚迴塘趁馬蹄紅魚撥刺驚湍瀉
花林漸入東豐臺欄紆萬字牆低亞司馬園林蘭若邊
閒亭喜得從容借開尊促坐香盈襟婪尾春光未彫謝
羲輪欲轉西山青倚醉尋芳過鄰舍吟鞭遍逐遊蜂狂
咀嚙英華如啗蔗撲面蘋風日夕高惜花還為花生怕
梁鴻蔣詡期不來勝事已偏從笑罵

附
步前韻

至

昨日慈仁買花歸插滿銅瓶香徹夜今日豐臺賞花
來鋪茵更坐芳叢下溥溥朝露猶未晞東風吹過珠
還瀉珊瑚成堆玉作盤殷紅膩白紛低亞晴郊士女
如雲屯野老孤亭容我借南國美人悵望遙賦手空
懷鮑與謝適情無事張華筵白酒黃雞供村舍側帽
狂歌驚四鄰醉來欲啗崑崙蔗長安貴遊盡奢豪雖
皆謹叟猶夢怕只應此地任棲遲手斧腰鎌遠訕罵

宋比部牧仲招同蔣京少錢介維暨次公山言豐
臺看芍藥予與京少先至不得相值遂入中頂登
九蓮臺而還牧仲東以詩依韻奉答其四章則專
贈京少也

梁佩蘭

右安城頭霜照瓦官街鼓打憐長夜晨雞呶喔人始行
早出城門赴花下宋公有約胡不來獨遶紅泉竹根瀉
蔣侯騎馬忽相值高揖金鞭立林亞天生我輩長閒人
日車容易羲和借且就花前仰花色花神喜我我拜謝

白玉為盤列雉田紅雲如蓋銜僧舍飽看勝啗杏花粥
渴解無用江東蔗烏雀窺人恣往還蝴蝶黏衫少驚怕
此中樂事難具陳霸陵醉尉那能罵

東豐西豐踏花路馬蹄自曉行入夜長安卿相空滿城
無有一人至其下先生好遊獨早出松風夾道驚濤瀉
邀予賓客蔣與錢有男好手推流亞珊瑚筆架翡翠牀
準擬分題不須借愛花我欲就花死摹花公等真陶謝
誰知花林竟相失執鞭我似避三舍自來大將張大旗

小技材官徒舞蔗側聞詩成呵寺壁風雨颯颯鬼神怕
取紅取白原女兒百遍桃花咒成罵

名花有似傾國人相對恨不連日夜繡袷初臨綺日前
寶鞍擬解華星下鉛華并汲者誰子琥珀轆轤隔花瀉
道花無語却有情扶鬚抱萼交頭亞春光九十逾八十
今日何惜一日借不見豔李與穠桃前蹊早已紛紛謝
花開香鬢散天女復湧金輪訝耶舍氣味真成薝蔔林
根株好是瞿曇蔗潦倒花前我不辭斜風吹去當誰怕

翠袖紅筵舞鳳皇不值黃鸝數聲罵

君家愛花真大雅相過花龕竟三夜花晴花雨總不言
祇布氎毼坐林下香氣空濛錦織圓露華的歷金莖瀉
黃衫少年那比數紫玉佳人差同亞世人賞花祇任耳
君有兩目非人借牢籠花態寫入詩一字花翁一稱謝
九疊芙蓉眺玉臺一條冰澗穿山舍猶自高吟不離口
滋味沙糖本霜蔗碧霞仙宮衆祇肅龍象蹴踏驢所怕
金犢車迴細馬來羅裙畏見春風罵

和前韻

蔣景祁

人生行樂須及時秉燭看花每卜夜西郊十里爛如錦
我曾三日卧其下丹砂畫焰金鼎燒珠露朝擎玉盤瀉
文采風流宋大夫雛鳳聲清允堪亞折簡邀我為再遊
綠筆江淹許誰借揚鞭出門嗟路岐長吟無計追顏謝
巡畦穿逕各馬蹄茗椀爐煙不同舍先生險韻詩早成
諷之娓娓如啗蔗遙知揮灑方丈壁龍蛇淋漓燕雀怕
花穠酒香日已晡豎儒不前乃公罵

西波類稿卷五

欽定四庫全書

西陂類稿卷六

吏部尚書宋瑩撰

續都官草

席上送袁士旦還蕪湖同朱悔人洪昉思賦二首
寒宵樽酒送將歸霜月朧朧照掩扉明發江鄉尋舊隱
一間茅屋傍蠓磯

梅花香冷下風簾對此翻將客思添多少故人裁別賦

消魂今夜過江淹

冬夜示弟介山兒至用放翁同子坦子聿遊湖中

諸山韻

曠懷託張融我屋儼舴艋案頭仇沼石萃嶺作峰嶺休
日歲云暮小憩無人境側身望故園南湖渺千頃拍波
羨鳬鴨漸樂春晝永未遂汗漫遊聊得塵幘屏觀梅設
茗宴遠汲天壇井地爐添楮拙念此幽花冷骨肉共情
話壁閃孤燈影空階積殘雪中夜光炯炯清詩和放翁

工拙心自領置筆落二毛還期踐箕穎

東坡先生畫竹歌

我家畫竹亦云夥昔有與可今東坡到眼素練不三尺
琅玕幾個臨滄波疎枝密葉總生動荒汀一抹蒼煙多
根下竒石得位置遺籜滿地蒙青莎金山老衲

佛印舊題

句荆公振筆來和歌詩清字瘦畫增重四角朱印森遮
羅憶顛道場寫風篠掀舞之勢曾自哦醉墨吐作蒼蒼
石涪翁擊節無差訛千秋妙跡落吾手寶惜豈啻隋珠

過堂上忽聞梁王圃清陰一片堪婆娑竟須散髮尋畫
去緇塵十丈奈我何

白鸚鵡

奇禽寧竝隴頭看南海攜來雪色寒珠樹流音藏縞袂
雕籠刷羽側黃冠殷勤妃子呼娘舊刻畫王維作賦難
鎮日依然紅豆飼誰教言語凭朱闌

鸚鵡為亡妾
薛娘所養

歲暮絕句八首

捷書萬里奏明光吳淞餘氛掃夜郎

詔下金雞恩似海西曹三日縱囚忙

松聲不敵市聲譁古寺迴廊百貨奢一樹蠟梅開磬口
他鄉還買故園花

石塘新稻雪翻匙北海鯉魚斫玉脂更有老饕堪賦處
熊肪和蜜貯宣瓷

雕弓羽箭拜

天家曾獵甘泉逐

翠華老冉冉來懷抱改焚香掃地是生涯

蟹爪樹枝看郭畫藏經紙色辨宣爐漫言好事囊羞澁
明歲新捐官戶租

不分輕霜上鬢絲
遍和鄰翁歲暮詩
逼除風景羨兒嬉
黃昏燈火仍多事

莫為廉吏世爭談
承
大厦誰知要杞楠
不信但看于定國

恩制府又江南

令弟公車早著鞭
中男詩句效斜川
提攜不淺天涯興

況是昇平獻頌年

熊肪

猛獸曾占吉夢來深膏截出色皚皚人傳方法調蜂蜜
品愛珍奇過豹胎映燭共誇和氏璧摘文誰並孝威才
盤餐點綴三冬候一片霑脣酒一杯

同弟介山兒至守歲用放翁夜聞湖中漁歌韻

堂上煜煜然松明千家爆竹同一聲地爐暄暖共守歲
門帖爛漫香煙縈嗟余幾年逢此夕風雪僵卧長安城

天涯骨肉今在眼有酒奚用琵琶箏中夜盤餐逮僮僕
勞以大斗談鄉情行騎瘦馬謁閭闔干戈纔罷滇南征
太史正議

郊廟樂鳳來阿閣卿雲橫座右忽覩浯溪頌愧無此筆
歌昇平

過永慶寺懷文然道人

道人閉關三十餘年本
朝定鼎三月後始知

小別二十年依然磬聲冷不見白頭僧閒階踏松影

題沈石田畫冊次韻十二首

一曲溪山興不疎幽人自惜愛吾廬韓公曾取莊騷配

把讀應知是此書

韓公論文嘗以騷配莊

參差竹樹短牆遮有客來尋溪友家恰似放翁居蜀日
頻拖藤杖訪梅花

草堂幽絕似成都几席何妨即五湖鎮日詩翁相對坐
桐陰滿地角巾烏

杖策迴溪上雲山許獨知斜川有高詠想見義熙時

兩岸蒼煙暮靄一江細雨斜風波上輕鷗迴白林間古

寺微紅

風柳捎船水作鱗網來白小色如銀何須高卧幽窗下
始號羲皇以上人

水蹙韉紋激豔清長林巨壑送猿聲依然敷淺原中見
觸迂蓬窗夜咏情

叢篁臨水碧老柏點霜新破帽攜琴叟前村訪酒民
羨爾高人作意遊松間磐石任淹留清琴橫膝渾忘弄
坐看飛泉百道流

湖山入手是樵漁
艇子遙尋水竹居
斷岸空林堪小泊
樹根還讀道元書

江村籬落接平沙
野菊斑斑欲放花
更愛一天好秋色
爛紅楓葉作朝霞

野岸梅花雪滿條
空江風色晚蕭蕭
漁翁詩思清寒甚
誰寄燒春一癭瓢

春日紀事二首

祈穀當開歲
張燈逼上元
旌旗諸道撤
簫鼓萬家喧
遠

島輸蕉布深宮啓獸樽昇平新有

詔歌舞遍荒村

八載神功著銷兵見此時獻囚符衆論考樂飭專司上

壽徽稱備

元儲典學宜為郎雖白首鳥獸共恬熙

水仙

海國名花冰雪姿叢叢冷豔浸連漪黃冠乍識仙壇返
玉體橫陳小閣宜雙蝶不侵香寂歷孤梅相伴影淒其

開門無復澄江在惆悵涪翁一首詩

上元前一夜留錢介維小飲用梅聖俞答吳長文

內翰遺石器八十八件韻

冠蓋紛長安我心仍樵牧寒梅如佳人愛此顏如玉花
間賦新詩古調恒自勗令節逼上元傳柑有遺俗故友
乘夜來蕙帶清我目小齋縱高談欠伸頭抵屋壁掛舊
歲燈一盞已云足瓶罄易水醪繼之燒春酷奚必烹熊
蹯剪韭亦旨蓄中酒讀宛陵髣髴金石錄

上元過慈仁寺買書

買得十六國春秋天下名山記

華燈九陌掛春風，獨買殘編古寺中。
蠟屐久懷康樂好，絢書今識彥鸞工。
牕間冰雪歸堪把，月下笙歌興不同。
明日又愁公事擾，西曹讀律技偏窮。

十六國春秋崔鴻著彥鸞其字也

元夕口號

紙燈掛壁酒盈杯，草草元宵又一迴。
解道流年隨手過，

梅花如豆已全開。

放翁有流年隨手過句

正月十六日送葉慕廬歸樊口

雪泥輕塵霽色開
送行還藉上元杯
旗亭草發東西路
歸櫂人尋大小迴
十子詩名容我附
二毛郎署望君來
不須苦愛松風好
祇向空山卧碧苔

春日同湯潛菴介山弟至兒過聖安寺小飲有懷
高念東先生

草色纔青放馬蹄
春風隨意過招提
梅檀又拜諸天像
楊柳兼尋幾曲堤
精舍閒花留對酌
空牆醉墨和前題
曠懷不見香山老
回首雙林落日低

吳漢槎歸自塞外邀同王阮亭祭酒毛會侯大
令錢介維小集作歌以贈用東坡海市詩韻

塞外長白橫長空吳質廿載冰天中豈意玉關得生
入雲霄重望蓬萊宮哀笳聽罷鬢毛改縱橫老筆偏
能工魚皮之衣捕貂鼠曾披榛莽尋黃龍計倪寓書感
生別謂甫題詩慘絕梅村翁歸來兩公已宿草惟君懷
抱猶英雄時平好獻大禮賦少陵遇合寧終窮相逢一
笑快今日俯仰況復當春融談詩命酒皆老輩何惜頻

倒玻璃鍾楷矢石砮誇創見君之所得亦已豐夜闌醉
眼望天漢恍疑鴨綠磨青銅世間萬事一海市且看梅
萼開東風

和藝圃雜咏十二首

有序

藝圃為吳郡文文肅公別墅崇禎時萊陽姜貞毅
先生以言事獲罪流寓江南得是圃而終老焉今
先生之子學在讀書其中鈍翁阮亭諸公皆有圃
內雜咏伏而讀之如見文肅貞毅之高風暇日聊

為屬和用志嚮往云爾

南村

墟里何莽蒼人煙疑谷口疎林帶茅茨空山對戶牖
緬彼荷鋤翁春風事南畝

鶴柴

縞衣海上來結此煙霞侶
警露失孤眠唳月思遐舉
放去效雲龍蹁躑何處所

紅鵝館

虛館面碧流雙鳴任容漾斜日賓花開梳羽空洲上想
見晉代人臨池鎮相向

乳魚亭

閒居種魚苗一泓開碧沼噉喁亂淪漪倏忽穿荇藻徙
倚向空亭濠梁趣不少

香草居

幽芳羅戶庭萋萋蘭與杜采摘紉余襟髣髴瀟湘浦持
贈念佳人風前獨延佇

朝爽臺

朝遊上崇臺，吳山何突兀。
雨餘嵐氣生，氤氲遍城闕。
白鳥去翻然，相看坐超忽。

浴鷗池

濯濯野岸鷗，慣與高人狎。
雖遊曲沼中，終不逐鳬鴨。
湖海共忘機，幽盟詎須歛。

度香橋

遙川迴空明，紅橋列鴈齒。
淙潺響珮環，荷香滿中沚。
溪

翁曳杖來陣陣微風起

響月廊

竹煙翳修廊寂寥非人境
月華浩然開寫出檀欒影
靈籟颯空林徘徊夜方永

垂雲峰

孤峰擢片雲誰截洞庭秀
菱溪謝寄嶽雪浪愧比耦
青天揖丈人咫尺風雷走

六松軒

六叟盡支離老作蒼虬舞盤空翠蓋停清陰散廊廡側
耳聆驚濤幽琴正堪譜

繡佛閣

居士多微叅焚香坐小閣倚檻讀楞嚴孤懷寄寥廓時
有林棲僧同來聽簷鐸

乾清門奏事用王維早朝韻

鴉盤宮樹鳴月落金門曙啓事逐上卿迤邐層霄去氤
氲接御香咫尺

垂衣處欣飛感昔年執戟隨騶馭

余家東齋梭櫚一株花開最盛偶讀岑嘉州對酒
梭花香之句悵然有作

三徑當年興不疎幽花簇簇愛梭櫚晴牕偶讀嘉州句
一倍春風憶草廬

端午夜示兒至用東坡與邁聯句韻

客散雨忽晴如眉月初吐庭榴千葉明風枝梢半戶通
檻振斯螽張燈走黠鼠小啜頭綱茶徘徊步廊廡嵐影

落遙峰露華霑締紵生平耽勝遊屢結登山屨句喜得
斜川冠將掛神武悵然念汨羅一弔風騷祖

題阮亭祭酒讀書圖

紅葉蕭蕭下短楹幽人如鵲坐秋聲吟成五字茱萸泝
好並溪流徹底清

秋林我有讀書圖寂歷空亭碧磴隅今日題詩還一笑
兩人風調不曾殊

夢中得起結二句醒而足成之

槐葉蕭蕭菊蕊黃，傷心歲晚又他鄉。
夢迴寂歷風開戶，一縷蛩音月滿牀。

張水部晴峰雷琴歌

絙桑以來紛制作，國工好手不記名。
有唐雷氏起蜀郡，妙合變化通神明。
時代悠悠已千載，遺製猶復傳冰清。
所嗟賞音杳難覩，塵埃碌碌埋精英。
景州張公僻好古，焦尾適遇中心驚。
徽軫脫落絃斷絕，世人那解無絃聲。
司空清俸不復惜，解囊買得千金輕。
吳門奇士善髹洗，

疏剔空竅勞經營鳳池乍啓露款識大唐雷氏刻畫精
修治完好一再鼓冷然肘後松風生勝日高堂會嘉客
賦咏題遍名公卿平原馮君擅八法

馮進士
大木

更合衆作

驅墨兵松雪妙楷入神化一物數絕相兼并余也嗜痴
亦有癡論辨古器甘如飴矧茲七絃具妙理搏拊可使
心和平幾時從君滄海岸流水一曲移吾情

戴氏鼎

烹飪著義文象物垂夏紀時代既杳茫制作紛變詭魯

賈或亂真泗淪未易起曠望千秋間鴻寶存有幾戴逵
博雅宗古器藏累累胡來玉鉉珍光怪動神鬼馬鼠聊
記年饕餮不見尾體格云是周秦漢匪所擬萬緡未足
酬百朋豈但已圖繪振希聲詠歌集繁綺劣眼昧蒼黃
什襲未敢啓耳食拱壁名亦復蹶然喜紀甌無遺形籀
鼓徒屢徙何如法物傳想見清廟禮遙羨棊几供摩弄
移日晷

海上雜詩

康熙癸亥秋余以通永僉事奉檄偕部使按海濱
地自鹽山抵山海關紆迴將三千里為日三十有
八得詩二十四首率於馬上口占授兒至使書之
用代紀事云

雲濤翻萬疊曠覽到天涯野岸懸鷹網鹽池引浪花
草痕消斥鹵颿影落鼓斜漢武荒臺畔愁聞日暮笳

畫角傳荒戍征旗指大沽雲沙看不極疆理辨全無茅
屋行彭越天風送海鳧晚潮吹地至想像百靈趨

到面霜威凜驚鴻報晚秋
鹽花疑雪積海氣似城浮
野飯難求井居人盡狎鷗
神山何處所天水共悠悠

訪舊津門道聊停倦客車
樽前嗟鬢髮燈下出圖書
展帖驚狂草看山擬卜居
寶章余有錄珍重劫灰餘

為同年孫

茂先作時觀張長史墨蹟文待詔畫

雙林仍小憩花藥徑纔通
古鐵珍高邑

寺有趙儕鶴先生如意匡

牀借贊公妙香清夜得圓月
碧山同魚麥勞鄉思搔頭

磬響中

在昔新河口曾漂海大魚然脂分異縣遺骨尚專車風
物聞皆別農桑望轉虛自慚鞭算拙闢土定何如

鬼蟹蹲沙惡狼魚出網腥海翁瞻使節竈戶作郵亭岸
隔關門紫波涵島色青輸渠張木筆臨眺賦滄溟

客路偏增感西風況海陀重泉添骨肉

謂弟陸著雨兒

故里

曠煙蘿斑駁三年鬢蒼茫萬里波佩萱徒浪語腸斷黑
洋河

十子成高會

葉井叔林蜚伯曹升六田子綸王幼華
曹頌嘉顏修來汪季用謝方山及余也千

秋有素期況從王祭酒風雅得宗師熊白雪中賦仙巖

花下披

余藏董文敏仙巖圖

幾多離索感暮雨聽潮時

小船如鴨背荒步號蛭頭所見詎曾見言愁真欲愁危旌沒亂葦霜月照空洲晚飯知何地麈風鴈影稠

沃焦秋更熱噴薄下灤河眺望蛟龍窟微茫十九陀

相傳

唐太宗征高麗住此十九日

地憐榆塞近人說釣臺多

海上多有太公釣臺

侍側

中男在雙江續舊歌

真欲窮荒外追隨節使行朝朝觀日出夜夜聽潮生浩

蕩求僊志艱難徹土情何時沙磧裏提榼餉春耕

七里亦名海寒潭作鏡平數峯當岸秀雙鷺照波明魚

艇通蒲泊村煙接柳城因思靜修句世累一蓑輕

七里海蒲

泊柳城皆

在昌黎

千里惟遵渚連峯又見山石林開鳥道雲海對禪關濤

拍牛頭響巖留話石閒秦碑淪沒久鷗泛自沙灣

連峯山牛

頭崖話石

皆在撫寧

傑閣從前代

山海關城樓

平看碧海流千年留碣石一髮辨

登州潮送斜陽落風傳絕塞秋倚闌聊咏志俊鶻下荒
洲

峯逼榆關起巉巖振策尋路危緣石齒寺古抱山心

角山

寺泉滴苔紋綻猿啼榭葉深暮天飛鳥外海色碧沉沉
看松越孤嶺大壑啓山庭荒塞一痕白遙峰千疊青流
泉靜宛宛伐木遠丁丁安得金鷄背提攜斷茯苓

聞說懸陽洞秋雲隔幾重千層垂石乳四面繞蓮峰疏

沼養飛瀑推牕揖古松老僧年九十塞外自鳴鐘

洞在關外

迴車肥子國涉水憶兪兒過雨空山路斜陽落葉時明
刑傳父老開府繫安危灑淚還加勉寧惟愧

主知

先莊敏司李永平先文康
開府畿左迨聲來三世矣

大小經沮水青黃看采林村孤煙窈窕邊近氣蕭森攬
轡當秋霽聯牀感舊吟

憶斯弟也

中年幾哀樂那禁二毛侵

高卧香山老家藏寒食詩涪翁原自重襖帖未云竒宣
示來村店摩挲埒鼎彝春江欲入戶還憶寓黃時

遷安劉魯

一先生以東坡寒食詩真
蹟見示黃州余舊遊地也

啓聖傳孤竹清風異代存
渚蘋田父薦社鼓廢祠喧
虛榭憑雲壑方舟次水門
聽松斜日裏疑是海濤翻

桂楫擊空明斯人共一清
如何裡祀地偏洽嘯歌情
舉

網素鱗活當杯纖月生因風
寄錢起早使報章成

謂介維

楸峪看雲過溫泉策馬還
依然趨潞水無計入盤山
夢

穩風濤外愁添簿領間
新詩如束筍燈下手頻刪

楸子峪溫

泉皆在

玉田

讀海上雜詩偶成

王士禎

不見宋生久詩來海上峰振衣臨勃碣長嘯動魚龍
孤竹瞻高節烏丸指舊封聽潮相憶處吟盡角山鐘

讀海上雜詩次牧仲用山谷韻 周斯盛

江州歎車中閉置何其拘使君獨清曠官舍得踈疎
轆轤豈不殷未嘗廢讀書策馬歷山海浩蕩足自娛
遐哉孤竹蹤荒矣秦皇墟萬象入新句奇懷一以舒
暇尋招提宿飽食僧厨蔬洪濤送涼月毛髮濯冰壺
庶幾赤石遊謝公乃其徒

西陂類稿卷六